



UGOVOR o javnoj nabavci manometara i termometara

KJKP Sarajevogas, Sarajevo, Ul. Trg Fadile Odžaković Žute 4, Sarajevo, BiH,
Koga zastupa: Direktor Preduzeća Mr.sc. Nihada Glamoč, dipl.ing.maš. (u daljem tekstu: Kupac),
i

«Unis Fagas d.o.o.», Ul. Rajlovačka b.b., 71000 Sarajevo, BiH,
Koga zastupa: Alen Gradašćević, (u daljem tekstu: Prodavac),

Član 1.

Predmet ovog ugovora je nabavka manometara i termometara po provedenom konkurentskom zahtjevu za dostavu ponuda broj: KN-05-23/17. Prodavac manometara i termometara je dostavio ponudu prema obrascu za cijenu ponude broj: SP-OJ04-KN-05-23/17-01, koja je priložena ovom ugovoru i predstavlja njegov sastavni dio.

Član 2.

Ugovorna vrijednost robe iz člana 1. ovog ugovora bez PDV-a na paritetu Fco skladište kupca iznosi: **18.536,00 KM (slovima: osamnaest hiljad pet stotina trideset šest KM)**.

Član 3.

Prodavac će robu iz člana 1. na paritetu Fco skladište kupca, isporučiti u roku od **90 dana** od potpisivanja ugovora i dobivanja narudžbe od strane kupca. Za svaki dan kašnjenja u isporuci kupac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora.

Ugovorne strane su saglasne da se kvalitativni i kvantitativni prijem isporučenih manometara i termometara izvrši od strane ovlaštenih predstavnika svake ugovorne strane u skladištu kupca.

Član 4.

Prodavac će obračun isporučenih roba vršiti po jediničnim cijenama iz obrasca za cijenu ponude broj: SP-OJ04-KN-05-23/17-01, koje su za vrijeme trajanja ugovora nepromjenjive. Kupac će plaćanje izvršiti nakon isteka roka od **30 dana** po prijemu uredno ispostavljene fakture na transakcijski račun prodavca naveden na fakturi.

Član 5.

Obaveza prodavca je da isporuku robe izvrši u roku, količini i kvaliteti kako je ugovoreno, uz obavezno dostavljanje certifikata o usklađenosti i kvalitetu isporučenih manometara i termometara izdat od strane proizvođača – certifikat o umjeravanju. Ukoliko se prodavac ne bude pridržavao odredbi preciziranih ovim ugovorom, kupac zadržava pravo da predmetnu robu vrati na teret prodavca uz naknadu prouzrokovane štete.

Član 6.

Kupac i prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

Član 7.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja kupca.



Član 8.

Isporučeni manometri i termometri moraju odgovarati zahtjevima iz tenderske dokumentacije. Prodavac na isporučenu robu daje garanciju na kvalitet u trajanju od **24 mjeseca** računajući od momenta isporuke.

Član 9.

Ukoliko kupac u ugovornom roku iz člana 4. ovog ugovora ne plati cijenu za isporučenu robu obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 10.

Ovaj ugovor se zaključuje na period trajanja od dana potpisivanja istog do ispunjenja njegove svrhe, ali ne duže od 1 (jedne) godine računajući od dana potpisivanja. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 11.

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 12.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 13.

Ovaj ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorena strana zadržava po 2 (dva) primjerka.

Član 14.

Sve nesporazume do kojih dođe u realizaciji ovog ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Prodavca:

Direktor

Alen Gradašević

Broj ugovora, 26/17

Datum: 12.10.2017.



Za Kupca:

Direktor Preduzeća

Mr.sc. Nihada Glamoč, dipl.ing.maš.

Zvršni direktor

Mr. Mehmed Mehović, dipl.oec.

Broj ugovora, 211/17

11-10-2017

